



琴士詩鈔 卷十一

涇縣趙紹祖著 孫同璋曾孫

鵬飛 蛟起 同校

贈洪北江太史

湖上停車里有春金陵相遇轉相親

甲子春太史訪余于傲里

適余以他出不遇秋

天留傲骨兼仙骨人道詞臣

是諫臣益代才高無等輩更生 恩重有閒身先

生未必江干老報 國猶須疏屢陳

叔肖巖曰三四惟北江足

當之第六句更爲得體

黃紉庭貢舉考畧書成求者甚衆因書其後

後生嘖嘖羨先鞭兩冊新書萬里傳藝苑儒林誇
肉譜杏花桂子集羣仙勤搜秘籍三千卷獨攬科
名五百年愧我無聊書外客曾將軼事補瑤編

舟過柏山望左戴國公廟

左公遺廟枕林隈落日維舟客子來亂世英雄識
天命偏方保障藉竒才黃沙嶺接寒雲壯大幕山
圍故壘開一片秋聲連草木蒼茫弔古欲登臺

洪北

江太史曰雄偉似
明人學杜之作

莫怪劉歐史未詳遺編次第載堂堂池陽議在雄
州建平壤兵趨海水荒軼事故應過越國勲名原

自著皇唐君家論古文孫好

謂春谷

不在矜誇異姓

王

奉縣中尊命至郡城迎洪北江太史總修縣

志

涇川古縣重宣州勾漏仙官欲闡幽六十年來編

已舊三千載後事重讎謝公好客開東閣李白題

詩滿北樓

時北江寓
太守郡齋

今日琴高乘鯉到桃花十里

約同遊

洪北江太史曰適郡齋賦詩云準待琴高
跨鯉來甫脫稿而琴士至今閱此詩知有

神契也

三碧軒小集贈章犀臺

有序

義學西偏舊有水亭前山長某年高畏風
遂撤去窻櫺周砌以墻犀臺厭其沉悶爲
開三壁得以遠眺洪北江太史顧而樂之
以篆筆題之曰三碧軒言天碧水碧山碧
也

此地當年有水亭天光連水水連星先生今見墻
周屋舊客惟憂風入櫺悶到九秋添髮白挖開三
壁看山青承流山名空翠窻前落墨瀋磨來筆不停

與朱題士左廣川仙洲昆弟同過桓簡公祠
時議重建

沿山繞塔踏紅塵遙見鬱葱氣似輪慷慨孤忠傳
舊史激昂大節動行人千年古廟留空谷二月椒
盤拜土神棟宇欲傾狐鼠出僧雛及早爲謀新

支祠春祭贈族祖洽與族兄延

康彊二老喜相聯拜起翩翩祖廟前朋成一百九
十歲各過三萬六千天尙說少年多意氣欲爲老
去卜安便眼昏鬚白真憐我空羨人間有地仙
同人攜酒遊山卽過圓通庵訪僧性根

蕭然黃葉滿秋山北郭同人未肯還橋帶平沙連
野水徑穿修竹叩禪關不辭攜酒千回醉且擬從

僧一日閒茶到沙彌先識我背人私語鬢毛班

桓公祠落成約朱題士俊卿同過設奠

時祠前後

左右桃花盛開

畫棟飛薨氣象高靈旗颯颯露英豪湖山雨霽雲

為葢蘭石神歸夜擁旄欲弔忠魂同二到試看碧

血染千桃新詩擬共谿毛薦落日寒風上怒濤

胡偉人自郡寄書并贈二律次韻答之

忽得雙羊路上音瑤華見惠滌煩襟世誰具眼真

無奈老不遺吾大有心作賦盡停同席筆知言何

礙異苔岑平生未肯隨人譽傾倒如君深復深

幽棲有客訪柴扃竟日相談酒一經巖壑盡搜圖

外秘山川都向掌中形

時朱春谷見過言府志山水一冊已成而吾涇所載

較舊願憑直筆光前錄肯以虛詞點汗青

吾涇與修府志

者春谷掌山水君掌人物

遙識南樓風雨夜寒燈侵曉筆難停

湖心阻風數日始得發

四顧茫茫水接天同舟恇懼語相憐傍桅烏鵲爭

人食失穴蛇龍近客船五夜雨風怨搖落一帆晴

日得安便青山咫尺不能上頃刻飛過牛渚邊

賃居

秦淮舊邸對奎樓二十年間七度留莫問客來為

何事祇緣門熟便相投鄰家識我形容老水閣生涼歎乃秋洗足安牀慙僕侶自憐骨相不封侯

遇洪北江太史於秦淮口占贈之

不見先生已兩年相逢一笑更欣然芒鞋布襪路千里鎖骨仙心詩幾篇愧我長爲黃卷客隨人又泛白門船功名著述全輸却牢落西風雁叫天

端木星垣問可入闈賦此答之

衰年見獵尙心驚慷慨悲秋意未平萬二千入常作伴一十四次不成名白頭似我何聊奈青眼蒙君有性情慚愧殷勤憐且問啞然自笑寂無聲

功名豈肯到寒儒拍案高歌擊唾壺自昔三年打毘毬而今一樣畫葫蘆老駘伏櫪心偏壯倦眼窺雲勢欲呼不爲此來仍有意旁人寧怪誚糊塗

得漣漪姪凶信

七月秋風逼骨寒阿咸凶問到江干雄文扛鼎羣推虎瘦骨支霜竟萎蘭一慟盡傾和血淚九原誰覓返魂丹城西送我登舟日猶說衰年作客難

不堪回憶倍傷情三十年來彈指驚

兄纘侯年三十早卒而姪

始生今又三十年矣舊隴銜哀生宿草西風急涕灑江城心
憐父我兼師我夜起三更又五更俯仰悲懷有如

此門前聒耳過車聲

叔肖巖曰凄絕不堪卒讀

舟過左戴國公廟率成一律

有序

丙寅歲涇新志成盡取新舊唐書元和郡縣志元和姓纂所載戴國軼事編輯成傳自謂詳盡今歲乃見唐會要云公贈左武候大將軍諡曰剛深慙寡陋作此以示後

人補之

盡芟舊乘去荒唐博考遺編姓氏香大有竒勲光戴國不須無傳怨歐陽空山落木聲悲壯古廟靈旗氣鬱蒼一事於公猶有恨未知當日諡爲剛

哀朱咸中

題士子

哭罷吾家千里駒

漣漪

忽聞訃到又驚呼經推角折

雄談鹿元苦苗傾未秀烏成佛生天君及早惜才歎命我何愚最憐好友霜欺鬢失却懷中照乘珠屋梁落月夜漫漫颯颯秋聲入座寒欲把鴻文交後死豈知蕙質盡先殘去年倒屣心何似今日臨風涕未乾我輩悲傷且如此詩成不寄乃翁看

文昌宮落成隨衆拜奠

牲牢俎豆禮何崇

聖主新酬耆定功天下科名歸桂籍一時廟宇比

巖宮庀材有美經營好是役也余雖總其事而多
 士如雲拜奠同我自無言神自笑藍衫縛汝卅年
 中

卽事

春風一例到吾家瓦鉢寒梅又見花數朶自成香
 世界三更直鬪月精華病軀索笑簷前立小院無
 人影獨斜不復夢中逢翠羽醒來偏鬧奪巢鴉
 年去年來有底忙愁人但覺引愁長隙中駒歎難
 留影鏡裏頭驚盡著霜可奈病魔常作祟那堪簿
 吏復登堂蒼茫百感無端集好計澆愁祇一觴

同孫楚葵端木蓮峰暨其弟雲樵自鳳皇臺
 至瓦官寺流連盡日有作

臺荒鳳去悵同遊古寺尋來喜探幽笛裏梅愁三
 疊落尊前柯爛一山秋時有客吹笛而余與寺僧對奕故云虎溪難

續遠公約僧約復來而鴟尾曾無告誓留雲樵欲
棄書畫歸步城南還躑躅玉鈎已到女墻頭觀其所

同吳位三鳳白與諸弟姪集族弟孫年小圃

小集城東秋暮天芙蓉萬朶一時妍主人綠送錢

塘酒客座紅浮藥玉船有美大都誇季子巨觥曾

否憶當年曾與位三以醉歸不用頻扶杖老去何

須強自憐

清流關懷古

天際真人擁馬行么麼暉鳳敢專征祇知地扼雄
關險何意軍踰鳥道平折戟沉沙悲往事啼鳩喚
婦問春耕試尋戰壘迷荒草剩有雲山繞故城

菜羹吟

種菜煮為羹堆盤充我腸菜羹味自淡菜羹味自
長

過水西桃花已殘

花開復花落流水與俱東東風本無意何必怨東

風

竹亭晝睡

竹亭閒睡熟滴聲攪我宿驚起側耳聽雨晴聲在

竹

山中夜坐

秋風打樹葉泉水吞危石疑是驟雨至開門山月

白

鼇峰巷口偶占

小巷鼇峰路荒園花亂開花間蝶莫妬不為採花

來
兄穎存曰
意深語婉

閨情

曉起臨粧鏡朱鉛懶未施
窻間有籠鳥聲聲催畫
眉

閨怨

春花已零落秋葉又翻飛
夜夜金釵卜行人歸不
歸

古意

掩淚牽郎衣長吁復短吁
非敢怨離別高堂有老
姑

兄穎存曰以上數首
絕似崔國輔小詩

清渠閣夜坐

夜坐何寂寥微風自颯爽
草痕露漸滋月上百蟲
響

舟過鳩江有懷翟太虛

君家鳩江上我過鳩江邊
南風送江水可奈不停
船

盛春谷曰是
六朝人吐屬

題畫

山在雲之端水在山深處
小艇衝波來沙禽自飛
去

題十美圖

圖分十冊

但得蛾眉開不惜烽火耀
鄙哉後世昏千金買一

笑

可憐吳宮秋不念吳王愁畫船載越客五湖春水

流

歌舞來平陽主恩異旦暮可憐金屋人猶買長門

賦

妾自辭同輦君恩豈不知敢歌團扇棄但想未秋

時

金門已永辭琵琶長在抱不識曲中心但看塚上

草

晉州方告急較獵未言歸並騎觀兵日更須殺一

圍

昔日廣寒宮今日臙脂井莫使夢雞臺紅顏爲君

盡

盡日頭不梳寂寥怨棄擲寧知一斛珠遠勝三尺

帛

將士聲如雷美人淚如霰眼中馬嵬波心中長生

殿

宮詞百首新博得君王喜張仙掛壁間祠之令人

子

魯星村曰十首氣勁音古如讀楊鐵崖小樂府

渡江

卷一
一
皖公山落落秋浦水淙淙烟裏聞人語孤舟已剪江

題翟九畹牡丹蘆雁

春風誰第一按譜準史例貌出花中王一如書本紀

蘆荻寒颯颯哀雁急飛鳴浩蕩江湖上秋風萬里情

夜泊采石遇翟太虛歸舟

歲暮吾方出君歸已半程一般江上月同看不同情

晚興

獨落霞明遠林返照空篁竹山中僧未閒荷鋤掘黃

響月上生晚涼風動開新爽先秋落葉多草際百蟲

西山寺

地僻遊人少深林怪鳥多寂寞西山寺門前長綠蘿

桃葉渡

雨暗石頭城煙鎖秦淮樹不見昔時人空悲昔時

渡

渡江不用楫我自來迎汝不知桃葉歌乃兆韓擒虎

雨

寒潮并秋雨夢裏急相催作客愁難聽偏從枕上來

紅土橋

江南紅土橋跨據名園上不見園中人獨立還惆悵

雙坑逢族某戲作一絕

又有天台客移花別洞栽花間舊蝴蝶何事更飛來

雜題盛春谷游囊所攜

腰間古錦囊盛得長吉句嘔心人不知自作明珠護詩

有琴可不絃有絃可不拊但誇白沙珍不與凡琴

伍琴

春谷自新會歸自言其琴爲陳白沙故物

漫說倚天青蕭然歎鬢白作歌付杜陵留待神交

客劍

欲報無知己心慚劍與琴獨有蒲萄酒一吟還一

斟酒

聰明如沈約飄然攜一枰但能知黑白不必問輸

贏棋

鳴玉不為寶佩玉比有德君子試自思二者孰為

得玉

寄兄偉堂三首

種竹栽花圃當年手植梅三經寒暑後可有幾枝

開

不負韓公意江城兩浪仙兄集詩人為社僧為余

道問訊今得幾篇傳

記得回舟日雙鬟最秀娟亦蠻同亦素兄二婢名也白

傅果誰憐

自題畫竹

夜月步空庭最愛月中影為君寫一枝自覺六月

冷

江行

雨裏金山寺雲中鐵甕城峭帆不得泊風急剪江
行

答洪北江太史問

上坊種木棉下坊栽苧麻市人賣紡車不賣茉莉

花

丁溪接曹溪鄉人怕見人見官如見鬼敬吏如敬

神

近城諸衣冠無事不來往芒鞋布單衫可以謁官

長

每族數千家少亦或數百祇愛在家好不肯出作

客

洪北江曰質俚似古謠諺

項孔璋畫

采藥貯筠籃夾薪束二竹想見烟霞人時在烟霞

谷

張大風畫便面

蒹葭響遠風秋聲入水閣閣裏讀書人翹首瞻寥

廓

登白塔寺瞻王巖潭像三首

白塔山頭寺披荆一徑通昔人今不作遺像想英

風

皇甫佳兄弟翩翩絕妙詞風流賢太守曾否細談

詩

巖潭刺九江日曾與皇甫兄弟唱和

生氣今如在遺文竟邈然巖潭頗有著述曾從其子孫索觀皆云散佚

吳江怨零落尚有兩篇傳朱竹垞明詩綜收二首

汪醒弁畫秋柳小景

與君別離久日暮生遠愁那堪更搖落又見冶城
秋

涇川向有八景不知品自何人先輩繪圖賦
詩多作七律余做王裴輞川遺意易爲五
絕以存其概

寒氣凌千仞空山霽雪明流光眩銀海隔水入孤

城

湖山雪霽

秀出一芙蓉承流翠色濃環看三百里面面有雲
封

承流積翠

暝色橫千嶺秋聲聚萬杉忽驚紅半壁返照在空

巖

崑山夕照

春水一溪寒炊煙萬家起聽得櫓聲來濛濛樹影
裏

賞溪烟樹

杜牧行歌去仍留烟雨春夾溪紅間白誰是詠花
人

水西春色

何事憶貂裘身在秋霜閣竹戶聚風聲當窻水雲
落

秋霜暑雨

一川秋意靜萬景入空明祇覺清如此不知夜五
更

幕溪曉月

鼓櫂巖潭上盈盈水一泓秋風響蘆葦忽憶大江行
巖潭秋水

前輩所寫亦有無秋霜暑雨而有馬頭晚渡者因為補之

渡船在岸東下上人不一岸西待渡人舉首望落日

山齋卽事

荇藻交空庭明月照修竹攬衣怯新寒欲出還愁獨

刑園

頻歲金陵客名園竟未來昔因過谷口曾識孟貞

才戊午得識園主人于鄭書田家

乍到來禽館回頭十二年今庚午矣殘秋荷葉盡池水

倍堪憐

彈碁逢叔季好客見流風憶到秦淮閣談詩是長

公昔所遇者伯子是日未出欸客者其二弟也

遇碁客江某

一局赭圻邊經今三十年始知柯爛盡不必遇神

仙

與端木星垣同登翠微亭卽言別

垂老鬢成絲秋風上翠微與君言別處楊柳正依依

來朝君獨登隔城見洲渚試看江上帆爲余小延佇

題畫五絕

叔父松巖好畫每成一冊必使題五七絕
於上今刪之各留數首

菊

偶向南山去籬邊發數花祇今三徑在處士是誰家

蓮

人識蓮心潔不識蓮心苦妾心亦如蓮有懷不輕吐

梅

昔歲鳩江上欣逢古寺開到門三百步香已自空來
謂鐵佛寺中

蘭

徘徊石屏峰躑躅關旗嶺
皆丁溪道中山名馨風自山來

不知路遠近

桃花

黃鶯故故啼春雨柳絲低客裏清明過風光憶水

西

閱王阮亭過天慶觀詩戲書一絕宋天慶觀明洪武初

已撤廢改為郭滁陽廟漁洋似但憑宋人紀事作詩未嘗親過其地也

宋家天慶觀明代郭王祠何事漁陽老猶題原廟

詩

幕山卽事

雨聲樹頭甚急日色峰頂猶明幕山岡上樵擔隊如飛趕城

秦淮卽事

紅橋隱隱依岸綠水悠悠鳴榔就中儂家易識門前一樹垂楊

過水西登煙雨樓晚眺

遠帶修篁千畝斜臨綠水一灣落花都作紅雨歸雲不礙青山

古寺鐘聲忽動前山雨脚初收夕陽返照谷口樵子爭趨渡頭

口占贈胡黃海

已是十年濶別忽然一夕相逢青眼同看衰柳白頭愁煞西風

溪行

兩岸非煙非霧一溪半雨半晴遊魚忽然躍浪落花流到無聲

調小天竺日誦藥師經僧

門外紅塵百道寺中清磬一聲未必忙閒分別都緣衣食經營

江行

蘆荻斜連千頃桅檣爭泊一灣烟雨迷離莫辨櫓聲隱下前山
花鴨斑鳧浴處綠楊紅蓼灘頭人家去水一尺柴

門縮住漁舟

端木星垣
曰如畫

方村晚泊

兩岸垂楊帶雨一灣流水明霞落日晚風時候漁莊蟹舍人家

涼意潛侵客袖月先到船窗沽酒野橋不遠隔溪隱約聞龍

次洪北江太史遊大幕山元韻

出郭何須籃輿探僧不必虎溪有酒便堪解渴煨芋可當烹雞

漠漠煙光如織濛濛雪色當昏爛醉莫辭久住山

鄉不閉城門

琴士詩鈔

卷十二

涇縣趙紹祖著

孫同璋曾孫

鵬飛
蛟起

同校

香心夫人祠

三間小屋枕溪斜老樹當庭噪暮鴉剛入門時香
忽到霜風十月綻梅花

郡試歸至柿木見月

裊裊炊煙藹晚墟牛羊一隊下山徐踈林清影故

園月照我慈顏正倚閭

伯祖星閣曰
真率有味

有懷包子琴逸

昔年分手敬亭雲未得重逢細論文三月水西風
景好小桃開落我思君

水西卽事

淡蕩春光爛熳花今年春色落誰家小園昨夜鳴
風雨忽聽兒童賣笋芽

友有館水西者以桃花之盛誇余時借榻南
郊石佛寺寺有古松作此答之

老榦修鱗閱古今空山無語耐寒侵泉清月冷雲

深處未必桃花識此心

伯甄溪曰冷然詩品最高

訪陳澹泉

細雨秦淮着屐低我來訪友踏春泥千家書肆三
山巷盡在王充屋角西

南唐宮詞

從陳碎琴借得陸游南唐書展閱之際隨
作數首以備遺忘

乳虎聲高震殿環從容進七意閒閒君王有斷休
輕試長令空門泣玉顏

金輪舊事真堪鑒不許垂簾亦足風白馬寺中偏
有主都城山外寶華宮

滿貯縑囊龍腦油麥珠金雪妙無儔霞冠翠鳥今

何在底事傳真與世流

霓裳舊曲換新聲促管哀絃不可聽歌罷君臣皆
拍手江南已作小朝廷

高髻織裳艷絕粧嘗邀醉舞動君王玉環訣別瑤
光殿誅有千言總斷腸

燒糟金屑葬紅顏物去人亡恨不還尙有流珠能
度曲頓喉輕唱念家山

茱房氣烈菊香豪玉竿金盤進繡糕亦有多情嗟
我季芳時令月却登高

牙簽典守保儀黃一火圖書付渺茫土地如金渾
不惜空教劫焰厄鍾王

歸舟泊采石

客子歸心打箭同峭帆衝霧剪江風停舟采石楓
林下卧聽蕭蕭雨一篷

兩岸秋聲夜寂寥孤燈小市望中遙舟人細語猜
風色明日眠桅過玳橋

章犀臺曰
如聞其聲

涇川竹枝詞

三月春寒柳未齊新晴一日綠沿堤泉清坑

坑口
名

桃花放無數遊人到水西

太息談經事不磨陽明祀日我曾過一時冠帶雍

雍到比似覺宮弟子多

選佛場空少導師迷離三寺暮烟時一燈黃檗何

須續過客知吟李杜詩

舟子齊呼下石瀧買糧賈客駕輕艘麻溪新漲今

朝發一霎飛過青弋江

行廊山高不可攀行廊山下灘潺潺舟行灘上又

灘上赤灘高似行廊山

盛春谷曰風調極佳

琴溪橋畔釣人居萬畝琅玕一帶疎村店墻頭皆

有字黃泥青筍藥渣魚

活火煎來蟹眼圓涇川泉勝惠山泉

無錫華某為涇教諭以惠

泉百瓶來充人事入涇界至馬頭磯乃盡傾之曰奚意此處盡是惠泉

旗槍鬪處茶

湯好雀舌茶尖穀雨前

盛春谷曰註此雅詩傳之

山頭白草望中明小嶺斜連大嶺橫

大嶺小嶺一皆山名

片春聲出山谷人家都靠紙為生

大南坑

坑名

口水泉清古北冲

冲名

邊紙碓聲玉版

紙名

新傳汪六吉

造紙人名

三千里外盡馳名

涇川雜詩

買來春網薦仙餘仙去丹傾古洞虛留得稀奇風

味好家家剥筍煮琴魚

蓋山有女喜聞歌絃管當年動碧波此日涇川三

百里深閨軋軋不停梭

蓋山今已割入石埭縣

黃沙嶺上烟茫茫白龜城邊澗草香褒鄂勲名隔

千載居人喜說左難當

桃花潭水碧無塵誰是當年舊主人漫道青蓮留

好句買金祇合鑄汪倫

一編詠史太冬烘豈有才名十哲中科第尋常君

乃爾長安驢墮灞橋東

千古香心配露筋一時義血動三軍客來長揖梅

檀下紫竹林邊薦水芹

香心祠供大士於中而坐夫人於堂左

大觀石刻劇摩娑七級層開面面多古色不勞風

雨洗如何人祇說宗婆

水西大塔面面皆大觀石刻而世不傳惟云風雨一

過塔沐如新相傳為宗婆洗塔云

中宵火氣燭鬢宮掘得穹碑泮水中鐵畫銀鈎傳

趙蹟循良天不沒蘇公

蘇公政蹟碑子昂所書蘇治涇有異政而元史無傳

碑自明末出土人以趙所書故競傳云

雲龍書院石山東絕少名流振舊風寂寞雲門雲

自去碧雞飛尙到禪宮

城郭千家祇一灣陵陽形勝踞東山擘窠遠想如

椽筆太息荒煙蔓草間

雪山一名東山先伯祖環石公大書陵陽形勝四字

於古寺壁上今漫漶矣

題戴文進畫

草衣箬笠斷橋西
驢影凌兢古道低
正是黃昏風色急
一天雪意靄前溪

題張平山畫

煙江箬笠釣魚翁
欸乃高歌暮雨中
一帶綠陽連酒市
櫓聲搖近小橋東

郡邸夜靜聞木魚磬聲作詩諷雲起五叔

世間萬事認難真
莫鬪尊前現在身
鄰院無僧不魚磬
果然作佛是何人

自郡回始得姑母瓊瑛函信

慚愧閨中咏絮才
深明大義絕羣猜
一詩卓犖傳千古
太息當年孤燕來

賦孤燕詩以見志卒婚翟氏
姑許婚翟氏未聘聞壻得顛疾舉家欲另議婚姑乃

記得芸窗對奕時
幾回指點覆來奇
那堪已是塵沙劫
浪說仙機悔到遲

初余在郡聞姑病已心動

筆硯屏將十載餘
瑤華零落竟何如
姑幼耽吟咏積詩成卷既

歸翟氏遂不復作
有誰檢點收遺藁
留待孤雛讀母書
姑有

弱息曰又元纔數齡耳

哭兄庭山

苦憶聯床聽雨時
十年問藝友兼師
何堪一夜霜

凋玉從此論心更有誰

羣言赴召玉樓中妄託神仙慰士窮如此文章方

說命應同長吉哭秋風兄無書不讀年近四十而

博雅宏才枉許余病中分贈八函書兄病亟以藏

余文獻通考全書手丹鉛不忍重相見留度齋頭

飽蠹魚

題畫七絕

小序見前五絕

梅花

黃昏月到林和靖出手寒歸庾子山如此丰神如

此客是花是客總難攀

紅梅

歲歲年年鬪淺紅認桃辨杏度春風詩人莫漫輕

標格瘦骨冰心一樣同

直直斜斜三兩行梢頭點綴學花光叔本學楊補

然人情多買臙脂好落筆休誇水墨香

柳

物候驚看柳色新殷勤拂我去年塵半生潦倒無

知己青眼如君有幾人

秋柳

殘秋還見柳毵毵，搖落風光我不堪。莫向秦淮添別恨，最多情處是江南。

荔支

一騎紅塵笑口開，漁陽鞞鼓震天來。兒童不識問何物，指點興亡說一回。

蜂

朝朝暮暮上花尖，采得花心蜜漸添。不識三春辛苦久，人情祇顧後來甜。兄元一曰有味乎其言之

雁

排成數字點新秋，偏在雲霄最上頭。嘹唳長空何

事事想君祇有稻梁謀。

兄元一曰有慨乎其言之

觀姑母瓊瑛所繡字與竹有感

不嚼紅絨唾繡房，晴窗展帖學元章。傳來懸腕書

家法妙把鍼神寄墨王。

杜詩韓筆今何在，成佛生天並渺茫。

姑幼喜讀杜陵詩昌黎文

並手鈔成帙雅不奉佛既適翟氏傷壻顛病不愈始一意傾信到處祈禱

空留一幅瀟

湘影合在觀音大士旁。

雲起五叔以鐵峰道人畫梅見示戲題三絕

道人筆底帶春回，管領東風到處開。勾取羅浮三

百樹一時魂入畫圖來。

獨立槎枒自在天疎疎落落不爭妍
可堪對爾雙清絕瘦骨支撐三十季

出手高寒最上枝阮家叔姪太情癡
終朝領畧酸鹹味笑問和羹尙幾時

偶成

山邊桃李總成蹊况復寒梅屋角西
祇有飛花人

不管飄風驟雨踏成泥

兄穎存曰託興深婉言外有少懲勸

書贈王春山

春山毘陵人以相術遊涇而喜奕

三十年來水似流本無骨相可封侯
鳶肩火色吾能免不必功名到馬周

春山以壽許余

中年意氣未能平着意經營似此枰
機動已知全局定何須殘後問輸贏

春夜有懷汪醒弁端木星垣

燭餘殘淚待天明舊雨殷勤入夢驚
便爾心隨流水去春潮同打白門城

洪北江太史曰自然流出一往情深

送盛春谷出山

時館丁溪山中春谷來訪余

探友深山道路艱不辭匹馬走千盤
新詩一一鐫巖竹留作他年佳話看

三日雄談得異多送君別去意如何
山坡未轉先愁隔雲路蒼蒼望馬過

華陽茶

茶舊產宣州華陽山故名今郡屬縣涇寧
並產而華陽反稀土人謂之黃茶而大江
南北尚通謂之華陽

不必社前與火前山中四月採茶天煎來祇合長
江水陸羽何須說品泉黃茶得江水煎為佳故
蕪湖以下並貴重之

毛人指點事荒唐香滿千山色上黃舊是宣州名
目好江南人祇喚華陽

連枝帶葉摘來稠茶俱貴細葉而
黃茶宜大枝蒸焙相兼火氣

收黃茶先蒸後焙故無
火氣有疾者宜之園戶連包堆一屋居然富

比橘千頭產茶之家俗
謂之園戶

江南曲

儂家打魚舟為家朝餐宿霧暮餐霞郎非買酒不
上岸儂非對郎不着花

阿郎蕩槳儂搖櫓日日打魚秋江滸但看齒苔新
着花不驚鴛鴦飛別浦

為胡駿夫扇頭作芭蕉因題其上

各各饑驅不暫停十年聚散等浮萍相思每值芭
蕉雨夜半淒淒不忍聽

聚寶山拾石無所得

梅岡傍晚燦明霞聚寶山前石作花踏徧巉巖尋
不得客來叫點永寧茶

遇鄧石如

去歲春風剛送別今年秋雨始相逢離愁莫遣亂
人事楊柳青青一樣濃

贈張簪山

宛水風流不易攀淵公畫又在人間豈知師法當
門好祇寫黃山與碧山

答鮑仙舟

赭山君望水西雲水西花發我思君水西水到赭

山水併入長江總不分

胡駿夫曰
古音古節

聽月樓遺草題詞

蘭雪汪孺人古歙金若川之室也詩筆清
俊惜不永年若川傷之不復娶而刊其遺
稿以傳余未識若川爲何如人族兄偉堂
命題四絕句以著孺人之才與識且以美
若川之義焉

不數當年咏絮才香閨秀句一編開丹黃費盡清
燈暗門外春風正落梅

成佛生天有也無遊仙草就鶴飛孤去來勘破渾

閒事識力真教勝丈夫

人似雨花紅已散情如剪水碧難分安仁淚灑離

凰曲若川有悼賜斷巫山一段雲

屏除鸞鏡却香奩長簾孤眠不自嫌諫果嚼來風

味好何須更索蔗漿甜

焦山訪僧巨超不遇

梅花香墜雨初晴惆悵雲封洞口輕見說扁舟江

上去春潮疊繞廣長聲

海門庵

春入垂楊綠滿堤竹樓一帶草淒淒海門庵外桃

花放千里鄉心到水西兄偉堂曰信口流出最是絕句妙處

自金山放舟至瓜洲

金山潑浪山似浮金山放舟客欲愁風波如此行

不得峭帆一霎到瓜洲袁簡齋太史曰音節入古

楊子橋卽事

四十甕來供一天金山日日送紅船烹茶水是中

冷好辛苦都因第一泉

三月春潮上運河運船上水起潮多民船莫傍運

船去奪却梢篙奈爾何袁簡齋太史曰似古 諺

揚州渡江次章省三韻

琴言金 卷十二
蒼蒼樹色瓜洲渡，葉葉風帆揚子橋。迷目煙花消水驛，雙眸豁我有金焦。

自題畫竹水仙寄王少文

生綃一副寫蒼筤，添得凌波翠袖長。忽憶江干王太令，臨池正搗十三行。

落花

片雲疎雨傍春叢，寂寂蒼苔隕碎紅。未敢芳時怨零落，來年天不惜東風。

古墨齋落成

茅屋分園小築佳，連床插架巧安排。碑三百本書

千卷合錫嘉名古墨齋

已是無錢可買山，此中靜坐且偷閒。隔牆熱鬧都

休問呵殿由他日，往還

齋與典史衙鄰每日謁令必呵殿出入

香不須焚花不栽，祇須淨掃壁間埃。零星什物俱

收拾分付荆妻，莫亂堆

春風曲曲透疎櫺，簾外無花氣亦馨。且喜催租人

未到閒臨棐几，寫黃庭

小戶慙他大戶奢，不能飲酒祇宜茶。風爐蕉扇階

前設七碗煎來穀雨芽

世俗悠悠不足論，從今午後早關門。功名有命吾

何冀檢點經書自課孫

送從弟夢得揀發貴州

送汝迢迢達遠荒百蠻開處舊荆梁一官雖異龍
標尉猶有愁心到夜郎

遠過三楚瘴烟開萬里犴牾縮綬來知汝政成能
作賦登高須上越王臺

雜感二十首

當日趨庭垂兩髻七齡曾許賦寒宵吾家大阮零

星記收入遺編第一條

新安汪麗初叔雲起兄庭
山同受業于先君嘗冬夜
賦詩余成一絕先君意頗賞之叔後載
其詩于巧坑襍憶集中叔卒遂亡其本

杜鵑吟罷病魔侵冬夜添爐暑擁衾祇有女嬃隨

阿母辛勤侍疾到更深

先君嘗作白杜鵑詩見者
以為不壽之讖居常善疾
每徹夜不睡余與妹幼不能
侍也惟姊藕院隨母侍疾

割臂祈天入藥時榻前捧飲強支持孤兒不識孃

辛苦猛力牽衣衆始知

先君辛巳病亟此
先慈臘月事也

苦次熒熒僅七天六旬大父最生憐含酸趕去隨

孃住不許孤眠靈寢前

許伴
靈

朝朝阿母痛難支祇識隨啼不置辭百日曹騰雲

裏過零丁弱弟始生時

先君壬午二月下世
弟繩祖六月始生

就傅方齋秋已驚渭陽舅氏作先生父書不忍看
余讀自取遺經付外甥是年秋後始隨舅父翟雲樓先生讀書方齋今余案頭左傳猶是舅父所賜也

待兒放學日沉西晚飯分來手自攜一盞孤燈重
課讀書聲常與紡聲齊母夜課讀以紡止為度

後園偷出走南街七聖祠前看戲俳夜半歸來偏
遇雨攜燈罰跪照泥鞋先母以慈兼嚴特誌一事以見成就之恩

歲終館散到春燈諸父同心課轉增曲巷方齋還
漱石皆齋名不須異姓借良朋伯館課三八歲終築巖召作文或間日一課與會者叔景揚兄師臣采臣纘侯弟璠伯與余

盡日楸枰可博歡老年昆弟喜盤桓不嫌爭道疑
瓜葛勝負都來壁上觀先伯祖半湖公星閣公先每使侍從杖几且集諸子姪環觀不禁誼笑蓋慮其舍去別有他紛也

稗官偷看掩秋燈檻外頻窺大父憎通鑑益人神
智好可來隨我啟書滕先祖見余好觀小說家言因誠曰此不足看遂取通鑑綱目授余

又見孤兒作孝孫傷心門戶豈堪論支持不易艱
難過中夜隨孃泣暗吞余年十三先祖謝世

阿母多愁羸病侵醫生不識歲寒心別無他術能
寬譬日夜牀頭說古今俗謂小說曰古今

琴士詩金 卷十二 十五

謝家飛絮擅才名睡燕新詩最有聲每向燈窗讀

韓柳戲拈行次較輸贏姑瓊瑛能詩嘗與諸昆季叔姪等賦睡燕第一性好

讀韓柳文每燈下與余相較各得數篇以背誦在先者為勝

一時負笈士如雲兩世嚴師督轉勤眾裏聰明惟

有汝清渠閣上細論文余年十六隨伯父耕氓公讀書城南清渠閣伯父曾

為先君師

許我文章步後塵譚經鎮日祇三人一家叔姪兼

師友不向時賢更問津肖巖雲起二叔父年長於余而與余意最相親

如此詩名端可羞鴛鴦合共鷓鴣愁平生不作詩

人想亦怪人稱小倚樓廬江任某以徵詩過涇諸伯叔與之往還余以年幼

不與適過案頭見詩一冊有倚樓人去月初來之句援筆題其上曰小倚樓余遽廢其詩

樂府新成一百章西涯之後有西堂風流可繼前

賢武何必相逢譚藝王族兄穎存曰琴士少作樂府百章倘遇王阮亭定當

收入譚藝錄中

布算何憑太認真曰余未信亦生嗔命宮磨蝎能

窮汝祇許文章可絕人友人吳正修善星命嘗謂余曰子命中絕無好處祇

有文章一道當與眾不同耳

不屑隨時費揣摩獨持高論駭人多杜詩韓筆愁

來讀竟使藍衫老采和

書左春谷三餘偶筆後

作賦都門擬子虛不如歸去註蟲魚穿經穴史求
新意儘有竒聞足起余
爭誇阿弟寄專城豈識窮經有乃兄寒夜一燈書
一尺何須更問世間情
君家遠祖萬夫雄千載勲名褒鄂同好把文章繼
刀槩一時橫絕大江東

蕪湖觀競渡

小泊鳩江水一篙扁舟欲趁廣陵濤阿兄留我明
朝住好看端陽競渡豪
從兄香谷時
隱蕪湖市中
買得鱗魚一尾歸雄黃酒煖小菱肥家家打點關

門早市上行人午後稀

小帽單衫問所之阿兄笑語勿遲遲河邊爆竹聲
聲急正是龍舟欲到時

紅裙隊隊出城中小巷條條夾岸通十里香風吹
不散一時團住畫船東

人海人山笑語唵櫓聲啞啞水聲淙人人盡道晴
明好今日龍舟出大江

一片鑼聲動地來紅旗招颭水邊開雙舟相向低
昂處欸乃歌聲去復回

誰家豪客駕輕舟鵝鴨成羣着意投惹得前船齊

捩首後船競到下雙鉤

艾葉菖蒲細剪裁石榴花發錦成堆江邊幾樹垂

垂盡簪到美人頭上來

秦淮小艇滿江紅雙槳飛來快似風不趕龍舟趕

遊女衣香人影畫簾中

沿江遊船於是月都來蕪湖起生

當年競渡爲何人此日如狂失舊因日落沿江遊

客散阿誰獨弔屈靈均

舟過金陵遇羅某於上浮橋口占贈之

秦淮相見卽相思君昔垂髫我冠時此日紅橋臨

綠水照人都作白鬚眉

三十年來彈指過吹笙客子已山阿

王經大

別君明

日扁舟去獨對西風喚奈何

二場中書呈同號舍諸友

枉說譚經擬鼎匡卅年十戰困名場多情愧謝諸

公意名姓爭看一炷香

俗謂卷面書籍貫姓名一行曰一炷香

洪北江太史以詩索酒酬之兼調章犀臺朱

題士

見說牀頭瓶罄時讀書興懶手撚髭題詩寄我如

飛檄十五城來償一紙

且送黃柑止渴多大軍遠到意如何能將鐵騎城

邊過願築浮橋待濟河

洪北江太史曰雅而諧

附原詩

洪亮吉

丹鳥紛飛白鳥喧空堂坐到曙星懸子雲亭畔
無尊酒懶向牀頭更草元

已飭平頭漉酒杯觥船聞自隔江回顧君莫寶
連城璧惹得秦兵傾國來

戲呈洪北江太史

儂家家住道湖邊綠水茫茫欲作煙為報詩人須

仔細湖邊未有一弓田

原詩云道士湖邊路茫茫萬頃田

章犀臺徵君齋中盆梅八月得花以詩索和

犀臺名天育銅陵人時為雲龍書院山長

聞說蒲輪起有時盆梅得氣也先知知君小試調

羹手不在秋風占一枝

昨得張惺齋書知徵君部銓在即

屈指當年瑞到門

徵君昔年家園九月梅放未幾得孫

暗香又動月

黃昏殷勤護作明珠樣抱子欣于昔抱孫

徵君時方續絃

余不耐和韻徵君再賦詩強余不得已酬之

梅花也逐桂花秋不怨羣花在上頭竹外一枝和

月放廣寒宮裏可兼收

林下山中更有神美人高士別傳真酒闌夜靜賓

朋散全作花前弄月人

瀟灑香飄雲外時非關競艷鬪芳姿畫眉窻裏粧
初罷解語花邊更解頤

重來瑞氣有前緣酬答詩歌不率然傲雪撐霜看
桂子原來別是一番天

有遣人來問買燈者戲成一絕

豪士華筵擁鳳笙百枝銀燭火如城不知樾戶繙
書客二兩桐油一尺檠

聞從兄師臣選授懷來

銜書一紙出長安薊北風霜入幕寒笛裏關山愁
日暮清秋月色照征鞍

塞上風雲護帝京關前笳吹咽秋聲莫說書生

少雄概猶堪疋馬古長城

居庸關外柳無塵白登臺前草自新萬里車書無
內外野狐城北盡吾人

金陵有瞽婦日倚市門鼓琵琶

市前丐婦瞽雙眸日抱琵琶向市遊市上行人勿
輕笑當年費盡錦纏頭

自題畫竹

時借榻左
戴國廟

左公祠外碧琅玕十萬參天劍戟攢不把麤材譏
杜牧借公豪氣落毫端

輓朱題士

卒于宿州學署

去年小別成長別今歲言歸竟不歸一紙平安書

在眼雙鳧何處鳥俱飛

余五月間始接題士三月十八日手書不數日而聞

詩

卑官何自滯睢州豈為家貧賦遠遊我向西風揮
涕淚隔江吹入汴河流

雜題畫蘭

南國佳人香未銷不緣幽恨著離騷靈均自是多
情種留取風流教後曹

宿莽寧來植石端亭亭猶自帶春寒當門頭目君

須護祇作庭階玉樹看

時有所諷因題此詩

美人自昔傷遲暮名士中年感別離我寄愁心與

香草不堪落筆晚風時

落落幾莖香自在疎疎數葉影迷離試看雨歇風

稀後正似禪門入定時

贈僧

美人千里共徘徊手纈芳蘭月正來一幅生綃聊

遠寄臨風似折隴頭梅

故友飄零有所思老年偃蹇歎棲遲空山剝啄無

人到獨對西風寫一枝

雜題畫竹

十年不賣窻前竹邀月吟風伴故人我亦多情離
不得一番拈取一番新

水西一帶竹参天千畝青青似渭川他日故人如
憶我試將尺幅掛堂前

與可才名三十年篔簹一記倍嫣然翰林妙墨高
天下猶有風流付後賢

怪石嶙峋點碧苔數竿蒼翠出塵埃莫嫌畫筆渾
無似引得鸞凰次第來

生綃一幅任君裁筆落居然坡老來月影萬夫偷
杜牧未應相哂是鹿材

竹樓一帶竹扶疎新雨新抽新筍肥風景故園何
所似琴溪上已上琴魚

時寓焦山

記得當年鄭竹坡手持百幅板橋多窮途落拓囊
羞澁三百青蚨散却他

贈余一紙掛茅堂強乞無能拒孝章今日臨池猶
仰首似留虛影在空墻

竹坡贈余板橋畫竹
爲盛春谷強取去

東端木雲樵索畫

王粲年來老更愁西風蕭瑟懶登樓知君畫學倪
迂意爲寫疎林古木秋

庚午除夕

明年六十老郎當對酒情懷劇自傷獨唱一歌渾
不醉恨無坡老擊藤床

野渡庵卽事

庵在滁州城西關外小橋跨澗不須渡也

涓涓流水隔林鳴二月春潮尙未生一自左司題

咏後黃鸝幽草總關情

呂幼心太守曰儼然唐音

惆悵城西曲澗邊天桃修竹小橋連猶憐野渡仍

名利笑問山僧亦惘然

滁州雜詩

欲訪琴臺迹已平琅邪溪畔獨循行居人但說歐

陽子誰問當時李幼卿

滁名宦當首李幼卿余爲補書其主于祠

六一傷心庶子泉殷勤珍重一銘傳白雲碧草埋

竒篆想像枯藤古井前

庶子泉當歐公時已湮惟李陽冰泉銘存耳今亦不

存

孤寒八百望崖山辛苦勞臣泣血殷爲問祠堂何

處是城西躑躅暮烟間

滁志言衛公祠在城西訪之絕無知者

但憑一劍下常州張訓竒功歎莫儔聞說墓門梅

棘在不知何處弔荒邱

張訓墓滁志言尙存亦無知在何地者

長驅一徑失巖城戰壘蕭蕭草不橫今日祠中首

中令當年關外老諸生

名宦祠祀首趙中令

歐文蘇書工又工客來亭子坐春風豈惟壁上龍

蛇動于今還見老仙翁

亭刻歐公遺像

大佳山水是滁陽底事歐文不細詳試繹臨溪相

偶句定知酒釀讓泉香

泉本名讓泉今人強名之釀泉豈臨溪亦溪名乎

濠鯽黃精物物鮮江南風味莫能先欲尋虎杖無

人識繙徧圖經亦枉然

滁土產有鯽魚黃精虎杖虎杖見爾雅而滁人不知

物爲何

自題畫竹

五月披裘獨倚闌雨窻潑墨遣輕寒水西鄉思知
多少寫出青青竹數竿

呂幼心太守連日招飲與座客論詩文不合

翌日作此投之并呈太守

昌黎之後啟歐蘇有韻文章格儘奇肯似東方輕
薄輩詩成百首比紅兒

抉出無邪語最真國風雅頌總堪陳悠悠謬論分

詩學敢把刀圭誤後人

近日名流同聲附和分詩爲二等曰詩人之詩學人

詩之

掣得鯨魚海上山無絃琴指水風間但將句字爭

工拙島瘦郊寒祇等閒

千古真傳韓又歐方門弟子海峰劉欲矜六代排

秦漢溝澮江河敢並流

近日名流尤喜訾方望溪好作不論平仄四六以爲

復古

六十年來老學究冷官一席未安居不如歸去山中老日日關門自著書

為劉鏡齋題豐樂醉翁二亭圖

鏡齋名光鑑江西鄱陽人

時為滁吏目

我駕琴高赤鯉來滁陽勝地喜徘徊羨君雅意希前哲移得林泉傍戶開

太守風流賓佐聯歲豐民樂過當年廬陵自是君鄉里合有芳名繼昔賢

過鐘鳴寺

元後至元四年滁郡守劉琪鑄鐘建樓曰鳴遠樓欲使環滁宵警風

興非為寺觀設也至前明郡守戴瑞卿建鐘樓又為菁莪館于樓前以教育士子今但存小屋小間顏曰鐘鳴寺

菁莪舊館草蒙茸往事淒涼夕照中小屋三間僧獨住晨昏尚打至元鐘

過烏衣鎮作

滁烏衣鎮志不言其得名之由而俚俗之言尤可笑故作此以

解惑

烏衣巷口有樓臺王謝當年甲第開應是移居住子弟飛飛舊燕過江來

題朱誠士小照

海濶天空自等閒超然意氣薄雲山扁舟明日吾

歸去憶到蒼茫獨立間

過琵琶亭舟不肯泊口占一絕

琵琶亭下憶江州濕透青衫官未休輕別何須怨
商賈到來客子孰回舟

舟過黃州風利不得泊作二絕句寄朱諤廷

諤廷名菁同邑人嘉慶元年舉孝廉方正時為黃州通判

乘風遠駕漢陽舟忽過蘄黃憶昔遊二十五年前
輩在不教一敘舊風流

浩浩東風裊裊烟黃州城郭望中連他時鼓棹能
相訪一酌庭中君子泉

自漢陽回舟至黃州以所畫雙鶴聚頭扇題

一絕於上以贈諤廷

臨臯庭外雪堂開赤壁之遊洵快哉疇昔飛鳴曾
過我東坡今日又重來

白門留別端木星垣與其弟雲樵

客子高歌欲理裝寒風透骨臘梅香故人恰餽瓢
兒菜歸共妻孥煮雪嘗

數十年來意氣親炎涼不似世間人同雲作雨欲
成霰兩筴持來風忽春

時星垣餽菜雲樵贈扇故云

題沈鑑平秀才

衡

水西釣魚圖

鑑平客福建久作此圖思

歸

暮雲遠樹碧相涵
有客登高酒已酣
望到山窮水盡處
萬峰樓上見江南
秋風忽憶故園春
烟雨亭邊發興新
收拾琴書便歸去
一竿猶是古遺民

蕪湖卽事

小泊蕪湖江外磯
暮春天氣雨霏霏
河豚罷市銀刀上
夾岸楊花尙未飛



